



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**2022**

**IMITLOMELO: 100**

**ISIKHATHI: Ama-iri ama-3**



**Iphepheli linamakhasi ama-5.**

**YELELA**

1. Iphepheli LINEENGABA EZIMBILI, u-A no-B.  
ISIGABA A: Amatheksthi wokuzitlamela (Ama-esityi) (50)  
ISIGABA B: Amatheksthi wokuthintana (2 x 25) (50)  
**YELELA:** Abafundi bakatelelekile bona baphendule MIBILI imibuzo KUSIGABA B.
2. Phendula umbuzo OWODWA ESIGABENI A kanye nemibuzo EMIBILI ESIGABENI B.
3. Tlola ngelimi ohlolwa ngalo.
4. Thoma ISIGABA ESINYE NESINYE nombuzo OMUNYE NOMUNYE ekhasini ELITJHA.
5. KUSIGABA A kufuze uhlele (usebenzise umebhengqondo, idayagramu/ Iflowutjhadi/amagama amummongo, njll.), uqinisekise bona umsebenzakho awunazo iimphoso. Ukuhlela kwakho akuvele nofana kubonakale NGAPHAMBI kwe-esityakho.
6. Ukuhlela kwakho ukutole kuhle kubonakale ekhasini lokuthoma bese uthoma i-esityakho ekhasini elilandelako.
7. Isikhathi esiphakanyisweko sokutlola ISIGABA NGASINYE:  
ISIGABA A: Pheze imizuzu ema-100  
ISIGABA B: Pheze imizuzu ema-80 (2 x 40)
8. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
9. Isihloko asingabalwa nakubalwa inani lamagama.
10. Tlola ngesandla esihle nesibonakalako.



**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1**

Khetha isihloko ESISODWA utlole ngaso i-esityi engaba magama ama-340–390.

Kufanele utjengise ukuhlela kwakho (kungaba ngokukodwa kilokhu: umebhengqondo/idayagramu/iflowutjhadi/amagama amumongo, njll.).

- 1.1 Ubungani bethu bathoma ngalelologa. [50]
- 1.2 Isehlakalo esangenza ngazizwa ngiphoqeke khulu. [50]
- 1.3 Bengingathembi bona ilanga elifana naleli lizakufika nakimi. [50]
- 1.4 Ukunikela abafundi ithuba elingezelweko lokutlola iinhlahlubo zegreyidi le-12 kubonakala kuyinto ehle bese kelinye ihlangothi kungabi yinto ebasizako. [50]
- 1.5 Omunye nomunye umuntu unelungelo lokuvunula isikhabo ngesinye nesinye isikhathi afuna ngaso. Vumelana nofana uphikisane nesitatimendesi. [50]
- 1.6 Qalisisa iinthombe ezingenzasi bese ukhetha ESISODWA utlole ngaso i-esityi. Tjheja: I-esityakho nesithombe kufanele zikhambisane kuhle.

1.6.1



[Sithethwe [ku-www.images.com](http://ku-www.images.com)]

[50]



1.6.2



[Sithethwe ku-[www.images.com](http://www.images.com)]

[50]

1.6.3



[Sithethwe ku-[www.images.com](http://www.images.com)]

[50]

**IMITLOMELO YESIGABA A: 50**



**ISIGABA B: AMATHEKSTHI WOKUTHINTANA****UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120 isihloko NGASINYE.

**2.1 INCWADI YOBUNGANI**

Umzawakho ofunda igreyidi le-12 unomraro ngesifundo seemBalo neseSayensi. Mtololele incwadi umkhuthaze bona alalele ihlelo elirhatjwa yiTholulwazi FM elethula zoke iimfundo ezenziwa bafundi begreyidi le-12 qobe ngoMgqibelo ekuseni nge-iri le-9.

**[25]****2.2 INCWADI YABAKHULU/YOMTHETHO**

Ube mfundi obadlule boke kukulumo-pikiswano yeLimi lesiNdebele ebeyibanjelwe eMakhazeni Boarding School, lapha uthumbe khona umtlomelo wokuyokufunda ilimeli eZikweni lezeFundo ePhakemeko. Tlolela utitjherakho incwadi umthokoze ngendima ayidlalileko ekuthumbeni kwakho bewumazise nokobana unongorwana lo uzokuba nomthelela ongangani epilwenakho.

**[25]****2.3 IKULUMO-PENDULWANO**

Ninomnganakho nikhule niyirhara nomncamo kodwana amalanga la akasese mehlweni. Nawumfunako awusamfumani, uhlala anebanga nakufuze nibonane. Uze walithola ithuba lokobana ukhulumisane naye ngendaba le. Tlola ikulumo-pendulwano ebe phakathi kwakho naye.

**[25]****2.4 IRIVYU/UKUBUYEKEZA**

Ngesikhathi sokuqinteliswa kwamakhambo ngebanga lengogwana ye-Covid-19 ube nethuba elihle lokufunda incwadi oyithanda khulu ungakarhabi. Tlola irivyu yencwadi leyo.

**[25]****2.5 UMBIKO ONGAKAHLELEKI**

UNogada osebenza esithabathabeni seentolo walele udadwenu ukobana angene ayokuthenga imaski njengombana bekayikhohliwe nje. Kube nokudosadosana phakathi kwabo bekwafika lapha unogaba amsunduza khona wayokubetha kabuhlungu phezu kwesimbi, walimala. Tlola umbiko ongakahleleki oyowunikela uMphathi wendawo le ngesehlakalwesi.

**[25]****2.6 I-ATHIKILI YEPHEPHANDABA**

Ebusika abantu bakhamba baphemba imililo koke nje bathi bayazifuthumeza, nabahlukanako abaqinisekisi bona umlilo lowo ucimile ukukhandela umonakalo ongadalwa kuragela phambili kokuvutha komlilo lo. Tlola i-athikili yephephandaba uyelelise abantu ngobungozi bokuphemba imililo nanyana kukuphi bebayitjiye injalo bangaqinisekisi bona icimile.

**[25]**

**IMITLOMELO YESIGABA B: 50**  
**INANI LOKE: 100**

